

Al Margen Escudo del Estado de México.

E GERARDO MONROY SERRANO, NU SECRETARIO DE EDUCACIÓN, NZI RA MAMA NUK'A NI JMAMA 5 NEJE 78 K'A NU CONSTITUCIÓN POLÍTICA DEL ESTADO LIBRE Y SOBERANO DE MÉXICO; 3, 13, 15, 19 NI TS'AB'Í VI, 29, 30 YO NI TS'AB'Í XIV NEJE XXVII K'A NU LEY ORGÁNICA DE LA ADMINISTRACIÓN PÚBLICA DEL ESTADO DE MÉXICO; YO NI JMAMA 3, NI TS'AB'Í XI, 5, 6, 10, 11 NI TS'AB'Í I NEJE VI, 12 NI TS'AB'Í I NEJE II, NEJE 17 NI TS'AB'Í IV K'A NU LEY DE DESARROLLO SOCIAL DEL ESTADO DE MÉXICO; 6 NI TS'AB'Í XI, 8 NI TS'AB'Í III, 9 NI TS'AB'Í II, 18, 19, 20 NEJE 26 K'A NU REGLAMENTO DE LA LEY DE DESARROLLO SOCIAL DEL ESTADO DE MÉXICO; 11, 12, YO NI TS'AB'Í VI NEJE IX NEJE 27, NI TS'AB'Í XXI, XXI BIS, NEJE XLVII NU LEY DE EDUCACIÓN DEL ESTADO DE MÉXICO; 1, 2, 4, 5 NEJE 7 NI TS'AB'Í II NU REGLAMENTO DE BECAS; 1, 6 NI TS'AB'Í X NEJE XIV NU REGLAMENTO INTERIOR DE LA SECRETARÍA DE EDUCACIÓN NEJE 3, 4 NI B'IB'Í A) NEJE 7 NI TS'AB'Í VII NUYO LINEAMIENTOS GENERALES DEL COMITÉ DE SELECCIÓN Y ASIGNACIÓN DE BECAS, NEJE

NZI RA NGEJE

Nu Asamblea General de la Organización de las Naciones Unidas (ONU), o nrrée nu kjée 2015 nu Agenda 2030 ri kjaa Desarrollo Sostenible na ngeje naja Jmurb'épji k'í ni nuu yo tee, nu xoñijómí neje nu ri nara yo jñiñi.

Nu Agenda k'í juns'í 17 Objetivos de Desarrollo Sostenible (ODS) ko 169 b'épji ri tsjaji textjo neje dya sóo ri juakíji k'a yo pjeko nde ma b'épji k'a jñiñi neje k'a xoñijómí, nzi ra kjaa, nu Objetivo 4 ni mama Trjizi na Joo nzi ra ngejnu neji ri xónpíji na joo textjoji neje ri tsjaji na joo ri mbara pama pama textjoji.

Nujnu b'épji ni Nara na Joo yo Jñiñi ni mama nu Ñante Alfredo Del Mazo Maza, Tarkete k'a Jñiñi a Ts'ib'onrró nzakja k'o juns'í k'a ni dyenje ri nuji textjoji neje ri nuji ja ri tsjaji, ri pjóxteji ri ñuji ja ri nara textjo yo tee k'a jñiñi a Ts'ib'onrró.

Nzi ra mama nu b'épji ni chjuu Plan de Desarrollo del Estado del Estado de México (PDEM) 2017-2023, nzi xo ri mamabi nu Agenda 2030 neje yo ODS k'a nda ni mama nu Pilar Social: Estado de México Socialmente Responsable, Solidario e Incluyente, ra nuu ja ni kjaa neje ja kjaa yo tee dyapje ni ndejme, neje dya ni chjétjoji, nzi xo ra nup'í na joo yo kjuanzakí yo tee, ma ngextjo yo nrixu; nzi ri jñus'í k'a b'ezhe 1.3 ka mama Ri Tsjaji: Ri uníjini textjoji ri tsjapíji ra mbaraji na joo k'a textjoji nu zakí neje k'a mama Ja ri Tsjaji 1.3.8 k'a mama: "Ri nataji na punkjí k'o unítjoji k'o kja ri uníji sjóri tr'ii k'o ri mamaji ra nrrójó ri tsjaji.

Pa sóo ri tsjaa nu b'épji yo tee k'a jñiñi a Ts'ib'onrró mama Estrategias Familias Fuertes (EFF), k'a ri pjóxteji k'a ni maa nrreze ri nara yo tee k'a jñiñi k'a nzina nzina ri teeji, pa sóo ri tsjaji yo pjeko nde ma b'épji ri b'ós'í yo tee k'a jñiñi, ri tsjapíji ri mbés'íji yo kjuanzakí yo tee neje k'o ra mbós'íji ri ngaraji na joo nu zakí yo tee a Ts'ib'onrró, k'a nziyojo ri tsjaji nzakja ma ri ngich'íji, ri ziji jñóní, ri xónpíji neje ri mbés'íji yo ngumí.

Nzi nu b'épji EFF ri mébi ko yo ODS ri ngins'í yo b'épji nu Agenda 2030 k'o mama nu Programa de Naciones Unidas para el Desarrollo (PNUD), neje nzi ra mama ri ngins'í nu Ley de Desarrollo Social a Ts'ib'onrró, k'a ri tsjapíji ri chjéui yo Reglas de Operación nuyo b'épji k'o ra tsjapí ri nara

yo tee ka jñiñi nu Secretaría de Desarrollo Social, k'o nzi ra xipji nu Consejo de Investigación y Evaluación de la Política Social (CIEPS).

Nzi ra ngeje nu Programa Social "Beca Talento Edomex", nzi ri mébi ko nu ODS 4 "Ri tsjapĩ ri xónpiji na joo textjoji ja ri chjétjoji neje ri tsjapĩji ra xórĩji na joo ma ri kjaa nu zakĩ textjoji", ngekua ra mamamji ri ngins'iji yo b'épi: 4.1 Ri tsjapĩji textjo yo tr'ii neje yo xutr'i ri ngins'iji nu otr'i sjórĩ neje nu ni yeje sjórĩ: 4.3 ra tsjapĩ ri chjétjoji yo b'ézo neje yo b'éjña ri xórĩji ja ri dyinĩ yo tr'ézi, neje ri Nataji pjeko ma sjórĩ neje k'a Universidad, 4.5 ri nzis'iji k'o dya chétjoji ri nrrixu nzi ri b'ézo ma ra maa ri nzich'iji a sjórĩ neje chjétjo ri ñuji ri ngich'iji k'a textjo yo sjórĩ neje textjo ka pjende ri xorĩ yo tee k'o sóo pjeko nde ri tsjapĩji, neje k'o dyapje sóo ri pépjits'eji, yo tetjo natjo neje yo tr'ii dya pje ri ñanits'éji neje 4 b ri nataji textjo ka xoñijómĩ yo beka nuka jñiñi kja ni naraji, ma ngextjo yo jñiñi dyapje tejmeji, yo tsijñiñi jñuxteji kja nataji neje yo jñiñi a Africa, ma yo tr'i ri ngich'iji k'a ngunxórĩ nata sjórĩ, ngekua akjanu yo xórĩ tr'ii ri nataji textjo yo sjórĩji neje k'a yo sibi neje ri ñaji na jee neje yo jñiñi kja nata nzi ra mama nu Agenda 2030.

Nzi ni mama nu PDEM, nuk'a Otr'i Ndee: Chjétjoji ri b'ézo neje ri nrrixuji, nzi ra mama ri pépiji textjoji k'a jñiñi k'a xoñijómĩ ri pótiji yo dya ni chjétjoji yo b'ézo neje yo nrrixu, ngeko otr'i ri tsjaa yo arkete, b'épi ri ponch'iji ri tsjokiji k'a ri nuu yo b'épi arkete k'a jñiñi.

Nzi ri móji ri jñuu na joo nzi ri b'ézo nzi ri nrrixu mama ri jnuu k'o nu Igualdad de Trato y de Oportunidades nzi ri nrrixu nzi ri b'ézoji ma ra jmirĩ, ra tsjaji neje ri nuji ja ni mbes'e yo b'épi yo tee ka jñiñi ka nzi ra chjétjoji.

Nzi un meryo k'o ra uniji yo b'éjña neje yo b'ézo, nzi chjétjo ri ch'uniji, k'o ri tsjapĩji ra kjaa na joo yo tee neje ri jñiji meryo nza yebe, ngekua akjanu, kuarpiji yo Reglas de Operación yo b'épi tee k'a jñiñi ra dya xi nda ri kjaa k'o dya ni chjéjuitjoji.

Nzi ri ponc'iji ri tsjokiji neje ri ñutjoji ngeje yo kjapĩ ri pjóxteji na joo yo ngub'épi yo tee k'a jñiñi neje yo ri ngextjoji nu a B'ondo, ndajñiñi neje k'a tsijñiñi.

Nzi ra ngeje nu b'épi EFF kjapĩ ri mébi ko nu Metodología Multidimensional de la Pobreza ko juns'i k'a nu Consejo Nacional de Evaluación de la Política Social (CONEVAL), neje yo jmama b'ezhe, nzi ra ri nara yo jñiñi ra móji ri kjuatiji yo tee dya nda pje ni ndejme k'o kanra k'a jñiñi a Ts'ib'onro.

Nzi ra jñus'i yo b'ezhe k'a nu Instituto de Información e Investigación Geografía, Estadística y Catastral del Estado de México (IGECEM), mo Kjéé Sjórĩ 2020-2021, nu a Ts'ib'onro o xónpiji k'a Otr'i Sjórĩ naja 1 millon 660 mil 557 xórĩ; nuk'a Nrree Taxórĩ 653 mil 989 xórti; neje k'a Taxórĩ 423 mil 886 xórti.

Nzi nu Secretaría de Educación mama ra tsjaa ri nuu nuk'o ri tsjaa yo b'épi k'a jñiñi neje k'o nee ra tsjaa nu Arkete a Ts'ib'onro, nu ni xónpiji, ngekua ri ñuji ra mbés'i textjo o sjórĩ yo tee, nzi ra mama o mib'i yo tee, ngextjo na joo ri mbes'e yo b'épi nu arkete neje ri b'ib'i k'a ri ngaji textjoji, ri chjétjoji neje ri tajo k'o ri tsjapĩji ri mbara k'a textjo nu zakĩ.

Nzi ra tsjaji ko juns'i ka yo Jmama 6, 11, 12, ni ts'ab'i XXVII ka nu Ley de Educación del Estado de México, ri ngisiji yo dya ni chjétjoji a ma k'a jñiñi, nzi ri nrrixu nziri b'ézoji neje yo dyaja tee ka dya bi chjétjoji ma ra nigich'i a sjórĩ, k'a sóo ri ch'uniji yo meryo pa ri tsjapĩ ri ngantjoji neje ri mbedye yo xórti nrreze k'a otr'i sjórĩ ta ri ngins'iji nu taxóri, pa ra tsjapĩji dya xi nda ri jyéziji nu sjórĩ

yo xórti dya pje nda tejme, o kanrĩji k'a jĩĩni dyapje nda pės'iji, yo xórti só'ó ri jyéziji nu sjóri, nee ra tsjapĩji ra nuji yo tee k'o nda ni nuji na s'oo.

Nzi ra mama ka nu Ley de Educación del Estado de México juns'ĩ ni dyenje yo arkete ra nuu sjóri ra tsjaji ri mamaji ja ri tsjapĩji ri ngich'iji a sjóri nzina nzina tee, nzi textjo ri ngich'iji, ri ngantjoji neje ri tsjatjoji yo b'épi sjóri.

Nzi ra mama k'a nu Decreto b'ezhe 106 k'a nu Legislatura del Estado de México, k'o pjons'iji nu jĩii paa nu jĩincho zana nu kjée yeje yemo dechiche dyech'a ñ'anto (2016), nzakja ma ra mbotr'iji yo nrrixu, ma ra b'ézhiji neje ma ri mb'ótr'iji nrrixu, nuk'a b'ézhi nu nana o nuk'ĩ nuu ngek'ĩ kjapĩji dya xi ri b'ib'ĩ ko yo tr'ijué o yo tr'ii k'ĩ dya xi só'ó ri xórijĩ.

Pa só'ó ri tsjapĩji na joo yo tee k'o xi ra só'ó ri tsjapĩji na s'oo, o xipjiji nu Arkete k'a Secretaría de Educación ri un' meryo yo xutr'i neje yo tr'ii, yo nĩ k'o ya b'ézhi o yo b'ótr'ĩ b'éjña yo tr'ii yo mbépi k'a ngunb'épi k'o nduu ma mi pépjitjoji, ri xóritroji k'a ngunxóri ka ri ngontr'iji o dya ri ngóntr'iji nuk'a jĩĩni a Ts'ib'onrró, ta ngeje ri ngins'iji nu nata sjóri.

Nzi ra mama k'o ngejmeji CSyAB-005-01ORD-2022, nzi ba ngejmeji k'a Primera Sesión Ordinaria k'o tsjaji nu jĩite naja paa nu otr'ĩ zana nu kjée 2022, nu Comité de Selección y Asignación de Becas, o ngejme textjoji, mo pótr'iji yo Reglas de Operación 2022 k'a nu Programa de Desarrollo Social "Becas Talento EDOMÉX".

Nzi ra mama un xiskömĩ 21100012000000L/RO-018/2022, nu dyote yencho paa nu otr'ĩ zana nu kjée 2022, k'a nu Dirección General de Bienestar Social y Fortalecimiento Familiar, nzi ra jñus' k'a nu Reglamento nu Ley de Desarrollo Social del Estado de México, o nee o pjons'itjo nu sjétsi.

Mo ngeje nu dyote jĩincho paa nu otr'ĩ zana nu kjée 2022, ne Comisión Estatal de Mejora Regulatoria, nzi ra jñus' k'a nu Ley para la Mejora Regulatoria del Estado de México y Municipios neje un Reglamento, o ngejme ba pjons'iji yo Reglas de Operación, nzi ra ngeje akjaba, pjons'iji:

ACUERDO DEL SECRETARIADO DE EDUCACIÓN, K'O NI PJONS'ĪJI K'O PÓRĪJI K'A YO REGLAS DE OPERACIÓN DEL PROGRAMA DE DESARROLLO SOCIAL "BECA TALENTO EDOMÉX", MBO RI NGEJME AKJABA:

YO REGLAS DE OPERACIÓN NU B'ÉPI "BECA TALENTO EDOMÉX"

1. Nuk'o ni mamaji

1.1. Ja ri kjaa un b'e' pji

Nu b'épi mama ra mbós'ĩ nu sjóri, nu jmimi, nu tr'eñe neje ri nata sjóri yo xóri neje yo xónpĩte nu a Ts'ib'onrró, k'a juns'ĩ nuk'a textjo yo ngunxóri nu a Ts'ib'onrró, k'a ch'un'iji yo beka nu kjésjóri 2022-2023, nuk'a ngextjo ja ni mimiji o ni tsjapĩji na s'oo ba nup'iji yo kjuanzakĩ.

2. Yo kjuanzakĩ yo tee k'a jĩĩni k'o nuu

Jichte neje nu dya ri jnuu na s'oo

3. Yo jmurjña

Nzi só'ó ri tsjaji yo Reglas de Operación, paraji na joo yo jña:

a) Beca: Neje yo b'ós'ĩ meryo k'o ch'un'ĩ yo arkete a Ts'ib'onrró yo tee k'o ni dyenje ra b'ós'ĩ, yo

mejñiñi k'o sóo ra nuu nu Bépji na, neje k'o na joo ba juajniji.

- b) **CIEPS:** Ngeje nu Consejo de Investigación y Evaluación de la Política Social.
- c) **Comité:** Ngeje un Comité de Admisión y Seguimiento, k'i ra ngeje nu Comité de Selección y Asignación de Becas.
- d) **Condiciones Específicas:** Ngeje yo tsjaa mo pjeko kjaa k'a xoñijömi, yo tee k'o ni ngara dya pje ni ndejme.
- e) **Convocatoria:** Ngeje nu xiskómi arkete k'i uní sjétsi nu Comité neje xo ngueje nu Secetario de Educación nzi ra ngeje nu Arkete k'a Comité k'a juns'i neje nee ra mbóxte k'o ndée n Beca k'o kjaa, k'o pjons'iji k'a sibi.
- f) **Contexto de Vulnerabilidad:** Ngeje texe k'o óriji: kjée k'o pés'i, kjo nrrixu o b'ézo, kjo ya chjinti, ja ni dyenje, jñaa neje kjo ngeje nzhonte, k'o kjap'i dya sóo ri nara o ri ngich'i pa ri ngaraji na joo pjeko nde n'año tee pje nde ma jñiñi.
- g) **Desaparición Cometida por Particulares:** Ngeje kjok'o ri jñinbi o jmimi o dyibi d'aja tee, ka ri b'ib'i o dyakjo paraji ja je b'ib'i.
- h) **Desaparición Forzada de Personas:** Ngeje nu mbépji arkete o ngetjo ni kjanu, k'a ni b'ós'i nu mbépji arkete, jñinbi o jmimi d'aja tee ma dya nee ra uní jmama ja je ni b'ib'i.
- i) **Dictamen de Valoración:** Ngeje nu xiskómi k'o pjonsi nu Comisión Ejecutiva de Atención a Víctimas del Estado de México, k'a na joo ri jmama ja ni dyenje nu tee k'o dyenje ni juajniji neje nu b'ezhe k'a nu Registro Estatal de Víctimas.
- j) **Feminicidio:** Ngeje kjok'o ra jñinbi o jmimi d'aja nrrixu nzi ri ngetjo ri nrrixu.
- k) **Homicidio:** Ngeje kjok'o mbótr'i naja tee.
- l) **Instancia ejecutora:** Ngeje nu Departamento de Beca k'a nu Secretaría de Educación nu Arkete a Ts'ib'onrró.
- m) **Instancia Normativa:** Ngeje nu Comité.
- n) **Instituciones Educativas:** Ngeje yo ngunb'épji sjóri k'o jara a Ts'ib'onrró, k'a kj'ont'iji o dya ni ts'ont'i otr'i sjóri yo xórt'i,
- o) **Ley:** Ngeje nu Ley de Educación del Estado de México.
- p) **Lista de Espera:** Ngeje nu xiskuama k'a juns'i yo trjuó yo tee k'o óri k'o nrrónjó o uní yo xiskuama k'o dyót'iji nuk'a yo Reglas de Operación del Programa de Desarrollo Social "Beca Talento Edomex", dya uniji ngekua ya ba ngins'i yo tee k'o uniji k'a nu b'épji nzi ra kjaa meryo.

- q) **Ofendido:** Ngeje yo b'édyi o yo tee k'o dyofui k'o ni tsjap'iji na s'oo neje t'éé, jñ'nbĩ o pjeñe, k'o pés'ĩ, o nup't'iji na s'óó yo kjuanzakĩ mo tsjaji na s'óo nzi ra jñuns'ĩ k'a kjuanzakĩ k'o to xi nuuji.
- r) **Padrón de Personas Beneficiarias:** Ngeje k'a xiskuama k'a juns'ĩ yo trjuu tee k'o nuu nu Programa de Desarrollo Social "Beca Talento EDOMÉX".
- s) **Personas Beneficiarias:** Ngeje yo xórĩ o yo xónp'ite k'o pés'ĩ texe k'o ótr'iji nzi ra jñuns'ĩ k'a yo Reglas de Operación, nuk'o mama nu Comité ra un'iji yo b'ós'ĩ.
- t) **Persona Solicitante:** Ngeje nu xórĩ o nu xónp'ite k'o ĩs'ĩ yo trjuu k'o juajn'iji ra s'óó ri ch'unĩ yo b'ós'ĩ k'a bépji na.
- u) **Pobreza:** Ngeje ja ni ngara yo tee ma dya pje tejme nzi ra kjaa ma dyapje tejmeji neje k'o trónj'ó dya s'ĩrĩ ra sóó ra nrrómĩ o ra ngóntr'ĩ k'o nee pa ri ngaraji na joo.
- v) **Programa:** Ngeje nu Programa de Desarrollo Social "Beca Talento EDOMÉX".
- w) **Registro Estatal de Víctimas:** Ngeje nu ngunb'épji k'ĩ ni dyenje ra tsjap'ĩ ra ngich'ĩ neje ra dy'isp'iji yo trjuu yo tee k'o tsjap'iji na s'óó yo kjuanzakĩ k'a textjo k'a jñ'ni mo tsjaji na s'óó.
- x) **Reglas de Operación:** Ngeje yo Reglas de Operación nu B'épji na.
- y) **SEDUC:** Ngeje nu Secretaría de Educación nu Arkete a Ts'ib'onrró.
- z) **Servidores Públicos Caídos:** Ngeje trexe yo mb'épji k'o kaa k'a Fiscalía General de Justicia neje nu Secretaría de Seguridad a Ts'ib'onrró, k'o nrruu ma mi pép'iji ra mbóri yo tee k'a jñ'ni a Ts'ib'onrró.
- aa) **Sistema Educativo Estatal:** Pa sóó ri mb'épji nu B'épji na ngeje yo jmurĩ ngunb'épji k'a jizhiji sjóri ndeze ma otr'ĩ sjóri ta ngeje ni ngins'ĩ yo taxór'iji, nza ni mets'ib'onrró neje meb'onrroji.
- bb) **Vecindad:** Ngeje yo tee ma kja ngins'ĩ ñanto zana ba mimiji a Ts'ib'onrró, k'o nee ya ra ngaratjoji a maba.
- cc) **Víctima:** Ngeje nu tee k'o pjeko tsjap'iji na s'óó: o tr'éé, o jñ'nbĩ nu pjeñe, nu meryo o pjeko sóó ba tsjap'iji na s'oo yo kjuanzakĩ.

4. Nuk'o mamaji ra ngins'iji

4.1. Textjo ko mamaji ra tsjaji

Ra mbós'ĩ ri xónp'iji yo tr'ii, xutr'inu sjóri, nu jmimi, nu tr'eñe, dy'ini tr'ézi o ndaxörĩ yo xórti o yo xónp'ite k'o kanrĩ a Ts'ib'onrró k'o jñuns'ĩ yo trjuu textjo k'a ngunxórĩ a Ts'ib'onrró, nzi ra un'iji yo beka nu kjéxórĩ 2022-2023, k'o ja ni ngaraji o ma o tsjap'iji na s'oo yo kjuanzakĩ.

4.2. Nuk'o ngextrjo un dyenje ra tsjaji

- a) Ra ch'un'iji yo beka yo xórti k'o dy'isp'iji yo tjuu textjo k'a ngunxórĩ a Ts'ib'onrró, k'a ngextjo sóó ri ch'unĩ nzi ra ngejeji, ja nzii ri ch'unĩ, neje nrreze jangua ra mb'irĩ neje ra nguarĩ k'o ri

ch'uní.

- b) Ra ch'uníji yo beka yo xórti k'o juns'i yo trjuk' k'a naja ngunxóri k'o kjins'i o sjóri k'o jara a Ts'ib'onrró k'o kjik'i ne panra na joo yo sjóri.
- c) Ri ch'uní yo beka yo xórti ta ngeje ma ra ngins'i nu ndasjóri k'a nde n'año ngunxóri jara a Ts'ib'onrró, k'o juns'i yo trjuu k'a Sistema Educativo a Ts'ib'onrró, k'o juns'i yo trjuu k'a Registro Estatal de Víctimas nzi ra mama k'a Ley de Víctimas del Estado de México o nzi ra xipjiji nu yo Recomendaciones de Derechos Humanos neje k'a yo Reglas de Operación.
- d) Ra ch'uní yo beka yo xórti ta ngeje ma ra ngins'i nu ndasjóri yo tr'ii, yo trijué yo nrixu k'o ngeje o nana k'o b'ézhi o ba mbót'iji yo nrixu, k'o juns'i yo trjuu nuk'a Registro Estatal de Víctimas nzi ra mama k'a nu Ley de Víctimas del Estado de México.
- e) Ra ch'uní yo beka yo xórti ta ngeje ma ra ngins'i nu ndasjóri yo tr'ii o yo trijué yo nrixu o yo chéxti k'o nrixu k'o b'ézhi o ba mbót'iji, ma kjok'o zis'i o dyibi, nuk'o juns'i yo tjuu nuk'a Registro Estatal de Víctimas del Estado de México.
- f) Ra ch'uní yo beka yo xórti ta ngeje ma ra ngins'i nu ndasjóri yo tr'ii o yo trijué yo tee k'o pépji k'a ngunb'épji arkete nzi ra mama nu Ley de Víctimas del Estado de México.

5. Textjo yo tee k'o ri b'ós'i

5.1. Yo tee k'o ri b'ós'i

Yo xóri o yo xónpíte a Ts'ib'onrró.

5.2. Yo tee k'o sóo ri b'ós'i

Yo xóri o yo xónpíte a Ts'ib'onrró k'o juns'i yo trjuu trexe k'a ngunxóri nu Sistema Educativo Estatal.

5.3. Yo tee k'o ra b'ós'i

Yo xóri o yo xónpíte a Ts'ib'onrró k'o juns'i yo trjuu trexe k'a ngunxóri nu Sistema Educativo Estatal k'o ni ngara neje ba tsjap'iji na s'oo yo kjuanzak'i yo tee.

6. Yo tee k'o ni dyenje ra mbós'iji

Nu b'épji na ra sóo ri nuji yo 125 jñiñi a Ts'ib'onrró yo tee k'o ra b'ós'i neje nzi ra jñus'i k'a yo Jmama 6 neje 12 k'a nu Ley de Desarrollo Social del Estado de México.

7. Yo b'ós'i

7.1. Yo meryo k'o ra s'ód'iji

Yo meryo k'o pés'iji ra ch'uní k'a nu B'épji na, ra s'od'iji nzi ra ngeje ri ch'uní sjétsi nu Arkete a Ts'ib'onrró, pa ri sód'iji akjanu.

7.2. Nuk'o pjéko ri b'ós'i

Ngeje nuk'o zana ma zana ni b'ós'i neje ta ngeje ni ngins'i dyech'a ni nzhót'iji ma ra kjéxóri 2022-2023 o nu paa k'o mama nu arkete, ra ts'ónt'i nzi ra nee nu ngunb'épji arkete ma nzi ra kjaa yo meryo. Yo b'ós'i dya ri ts'ónt'i, ri ch'uní trexe nzi ra mbés'i yo meryo nu Arkete a Ts'ib'onrró.

7.3. Ne ja nzij meryo ra sóo ri b'ós'i

Ngeje nu ja nzij ri b'ós'i zana ma zana nrreze ta ra ngeje \$ 4,000:00 (Nziyojo mil mbéxo 00/100 M.N.), nrreze naja ta ra dyéch'a ri ch'uní nuk'a kjésjóri 2022-2023, nzi ra kja yo meryo.

Yo b'ós'i dyapje ri tsóntr'i, ri untrjoji trexe nzi ra mbés'i meryo nu arkete a Ts'ib'onrró, k'a nu Secretaría de Educación neje dya pje ri tróti ra ngóntr'i nu tee k'i ni dyenje ra b'ós'i.

8. B'épji ja ri tjuns'i yo tee k'o ra b'ós'i

8.1 Yo tee k'o ni dyenje ra b'ós'i

Ngeje yo xórti o yo xónpíte k'o pés'i k'o ni t'óri nuk'a yo Reglas de Operación nzi ra nee ri uní nu mbós'i nu Comité.

8.1.1. Nuk'o t'óri neje ja ri juaniiji

8.1.1.1. Ja ni juajniiji

Yo xiskóm'i k'o ni tr'óri ra negeje nzi ra mama ja ni juajniiji neje nzi ra mama nu Comité:

- a) Dya ri ngeje tee k'o ya ch'uní b'ós'i k'o dyaja Programa de Desarrollo Social Federal, Estatal o Municipal, nzi ri s'ó'ó ri ch'uní yo meryo, neje dya pje nde ri uníji.
- b) Ra b'ós'i yo xórti k'a naja ngunxóri k'a jñiñi a Ts'ib'onrró, k'o ngextrjo ja sóo ri ch'uní, nuk'o ja nzii meryo neje ta ja ri mezhe ra uníji nzi ra jnee, ñeje
- c) Ra ngextrjo ra sóo ri b'ós'i naja tee k'o b'ib'i k'a b'édyi, nzo dyapje ri nuji pje ma sjóri kjaji, ma ngextrjo óri yo tee k'o tsjapiji na s'oo ko juns'i yo trjuu nuk'a Registro Estatal de Víctimas o xo nzi ngeje nzi ra mama nu xiskóm'i k'o pjons'i nu Arkete ni dyenje ra nuu kjo ngeje ni nutpíji na s'ó'ó yo kjuanzakí o yo tr'ii yo mbépji arkete k'o mbótr'iji, ma kjanu ra ngeje nzi ra kjaa nu meryo neje ja nzii beka ri chuníji.

8.1.1.2. Nuk'o ni t'óri ra ch'uníji

a) Yo tee k'o ni nee ra ch'uní b'ós'i sóo ri tsjaa:

- I. Ri ngeje mejñiñi o ri mama ya ni mimi a Ts'ib'onrró.
- II. Dya pje ni uníji beka k'a naja ngunb'épji arkete o dya arkete ma ra dyóri nu beka.
- III. Ri tsjaa ri dyóri nzi ra dyóriji k'a yo Reglas de Operación. Ma ngeje kja séb'i, ri tsjaa ri uní k'o óriji nu nana, nu jyoo o nu chéxte, k'i ri jizhi nu xiskóm'i k'a juns'i nu tjuu;
- IV. Ri jizhi o zas'a k'o ngikí nu 8.5 k'a enje ndeze 0 a 10 nuk'a otr'i kjéxóri nuk'a paadya, ra ngeje naja xórti k'i na joo nuk'a sjóri, o ri ngextjo yo tee k'o óri k'o ni ngeje k'o tsjapiji na s'oo, o b'ézhi o yo pónbítjo yo b'édyi o yo b'ót'i, k'o ri ngeje k'o nzi ra mama nu Ley de Víctimas del Estado de México, yo tr'ii yo mbépji nuka ngunb'épji arkete k'o nrruu, o yo tee k'o ni dyenje ra uníji.
- V. Ri jñus'i yo trjuu nuk'a Registro Estatal de Víctimas, ma ri ngeje tee k'o tsjapiji na s'oo, o póníji yo b'édyi, o mbót'iji: neje
- VI. Ra uníji yo xiskuama ja ni mbes'e k'a kuatr'i neje k'o xaka k'a kuatr'i nu trjuu neje nu jmicha:
 - a) Xiskuama k'i óriji k'a nu Ngunb'épji ni dyenje ra ndée nu ch'uní.
 - b) Nu xiskuama k'o uníji mo mimíji.
 - c) Xiskuama k'amama kja ngetjo k'a b'ib'i a Ts'ib'onrró.
 - d) Nu Clave Única de Registro de Población k'i xipíji CURP, k'a juns'i ngeje mejñiñi.
 - e) Xiskuama k'a mama kja jñuns'i nu trjuu neje nu sjóri k'i mama kja paa kja ndee kjéxóri ma ra jñuns'i nu trjuu ma ra dyóri ra b'ós'i.
 - f) Xiskuama k'a juns'i ja nzii trónjó nu tata, nu nana o nu chéxte, k'a juns'i k'o kja trónjó, o ma ngextjo yo tee k'o óriji ma o tsjapiji na s'oo o yo tr'ii yo mbépji k'a arkete ngunxóri k'o nrruu mo mi pépji k'a ngunb'épji arkete o ngeje o tsjapiji na s'oo yo kjuanzakí.
 - g) Xiskuama k'a juns'i b'ézhe k'o kja ngikí o nu Cartilla de Evaluación.
 - h) Xiskuama k'o pjons'i nu ngunxóri nuk'a xóri nu xórti k'i óri b'ós'i.
 - i) Xiskuama k'o nu arkete k'a juns'i k'o mama o tsjapiji na s'oo yo kjuanzakí.
 - j) Xiskuama ni chjuu Valoración k'a juns'i tee k'o tsjapiji na s'oo neje o tr'ijué yo nana o nu chéste o b'ézhi ba mbótr'iji k'o tsjapi nu b'édyi, k'o pjons'i nu ngunb'épji arkete.

Ma ngeje yo ndaxóri (Posgrado), xo ni dyótíji:

- k) Nu xiskuama k'a mama ya ngins'i nu sjóri (Título o Cédula profesional),
- l) Xiskuama k'a mama kja ngins'i yeje kjéé pépji k'a ngunb'épji arkete.
- m) Xiskuama k'a juns'i ya sajaji o nuk'a ya jñuns'i nu trjuu k'a ngunxóri k'a nee ra ngich'i nzi xo un xiskuama k'a juns'i nuyo sjóri k'o nee ra tsjaa.
- n) Xiskuama k'a juns'i k'o ya tsjaa (Curriculum vitae).
- o) Yo dyaja xiskuama k'o nzi ra mama nu Ngunb'épji arkete.

8.1.2. Nuk'o ja ni juajnī ra ts'i ri tsjaji

Ra s'óo ri ch'unī b'ós'i k'a nu B'épji na yo tee k'o óri ri b'ós'i ra mbés'iji:

- a) Yo kjins'i na ndaa b'ezhe k'o kjiki k'a ngunxóri.
- b) Yo xórti enje k'a jñiñi k'a moo neje k'a jmurjñiñi k'a kanra tee dyapje nda tejmeji.
- c) Yo xórti tr'ii o xutr'i k'o chjétjo trexe k'o óriji, k'a ni ngeje dya ni chjéjui nzi ri nrrixu o ri b'ézo.
- d) Yo xórti k'o ni dyenje nde n'año jñiñi a Ts'ib'onrró, yo nzkokiji o ngeje yo tr'ii yo tee k'o yepe nzhokiji o ngeje k'o ni nzhob'itjoji.
- e) Yo ngeje tetjo ñatjo o k'o yepe ni mama ngeje tetjo ñatjo, ñeje
- f) Nuk'o dyaja k'o ni dyóri nu Ngunb'épji arkete.

8.1.3. Ma ri dyis'i yo trjuu

Ma ri nrréji yo tr'óri neje yo xiskuama k'o unī k'a nu Secretaría de Educación o k'a nu ngub'épji ni dyenje ra nu Secretaría de Educación nu Arkete a Ts'ib'onrró.

8.1.4. Yo xiskuama k'a is'iji yo trjuu

Nuk'o ni dyóri nu Ngunb'épji arkete.

8.1.5. Ma ri jmuriji yo xiskuama k'a kis'i yo trjuu

Nu Ngunb'épji arkete ra jmurī neje ri nuu kja ngetjo yo xiskuama nu Padrón de Personas Beneficiadas nzi ra jñus'i k'a yo Jmama 13 ni ts'ab'i VIII, 38, 39 neje 40 k'a nu Ley de Desarrollo Social del Estado de México; nu Jmama 92 ni ts'ab'i XIV, ts'its'ab'i p) k'a nu Ley de Transparencia y Acceso a la Información Pública del Estado de México y Municipios neje yo jmama k'a yo Lineamientos y Criterios para la Integración y Actualización de los Padrones de las Personas Beneficiadas neje yo Acciones de Desarrollo Social nu Arkete a Ts'ib'onrró, nzi xo ni ngeje yo dyaja kjuanzakī ni dyenje.

8.1.6. Yo Kjuanzakī yo Tee ni Dyenje ra Ch'unī B'ós'i

Ngeje yo kjuanzakī yo tee k'o ni dyenje ra ch'unī b'ós'i:

- a) Ri sjipji k'o ngiki mo dyóri nu beka.
- b) Ri ch'unī nu beka.
- c) Ri zóo nu beka k'o unīji nzi ra mama ma ra mbaspaji paa ri unīji, nzi ra mama k'a yo Reglas de Operación.
- d) Ri unī nu xiskuama ma dya nee nzi ra mama k'a nu Reglamento de Becas, mo dyokuiji dya xi unīji nu beka.
- e) Ri d'éé nu xskuama nzi ra mama k'a Reglamento de Becas, nu xiskuama k'o unī k'a mama dya nee.
- f) Ri kuatriji neje dya ri nzhópji k'o mamazé nzi ra jmama k'a kjuanzakī.
- g) Sóo ri nuji na sjuu, ri chjétjoji neje nzi ra mama k'a kjuanzakī dya ri nuji na s'óo: ñeje
- h) Yo dyaja k'o ni mama nu Ngunb'éji arkete.

8.1.7. Nuk'o ni dyenje ra tsjaa yo Tee k'o ni Dyenje ra Ch'unī B'ós'i

Ngeje k'o ni dyenje ra tsjaji nzi ra mama k'a yo Reglamento de Becas:

- a) Ts'i ri xipjiji na joo na kjuanĩ jñaa;
- b) Ri b'ib'i na joo;
- c) Ri tsjaa ri nuu k'o xipjiji ra tsjaa neje k'o ni mama yo ngunxóri nuka uniji yo beka;
- d) Tr'opji ri xipji k'a nu Departamento de Becas, k'o k'asp'iji pa dya ri unĩ k'o ni dyenje ra unĩ, ri unĩ nu xiskuama k'a juns'i;
- e) Ri tsjaa yo dyaja jñaa k'o ni mama nujoy Reglas de Operación; ñeje
- f) Nuk'o dyaja ri dyóri nu Ngunb'épi Kjuanzakĩ.

8.1.8. Nuk'o Kjap'i dya ni Tsjaa

Pa sóo ri tsjaji yo Reglas de Operación ngeje dya kjaji na joo:

- a) Dya ri tsjaa na joo k'o ni dyenje ra tsjaa nzi ra jñuns'i k'a 8.1.7;
- b) Ri s'od'i yo xiskuama k'o ngeje kjap'i ri uniji o ri yepe ri ch'unĩ yo beka;
- c) Ri unĩ xiskuama k'o dya kjuanĩ pa ri ndónjó nu beka;
- d) Ma pjeko ri tsjaa na sóo k'i kjap'i ri ts'otr'i a pjóri;
- e) Ri dyée yo dyojui o ri xipji na s'óo jñaa, yo xónpĩte, yo arkete sjóri o yo mbépi k'a ngunb'épi arkete;
- f) Ma dya ri nzhóo ma ri jyéziyo nu sjóri ma ya kjobi dyote paa k'a nu kjésjóri;
- g) Ma dya ri tsjaa na joo k'o xipjiji neje k'o dyaja k'o ni mama ngunxóri nuka uniji nu beka;
- h) Dya ri tsjaa k'o ni mama k'a yo Reglas de Operación nu B'épi na; ñeje
- i) Nuk'o dya k'o ni dyróri nzi ra mama nu Ngunb'épi arkete.

8.1.9. Nuk'o ja ri zib'iji

Yo k'o dya ni tsjaji na joo k'o kjaa pa sóo ri s'ad'i, nzi ra ngeje yo:

- a) Ts'iketjo dya ri uniji nu beka;
- b) Ri dyokuji nu beka; ñeje
- c) Nuk'o dyaja k'o ni mama nu Ngunb'épi arkete.

8.1.9.1. Ja ts'iketjo ri dyokuji o ri dyokuji nu beka

- a) Ma dya ri tsjaa k'o ni dyenje ra tsjaa nuk'a b'ezhe 8.1.7 nuyo Reglas de Operación;
- b) Ra yepe dya ri tsjaa nuk'a dya tsjaa na joo nzi ra mama k'a yo Reglas de Operación k'a nu B'épi na;
- c) Ri dyopji ma ri jyézi yo tee k'o mi uniji yo beka;
- d) Ma ya ri jyézi nu sjóri;
- e) Ma ri nrruu nu tee k'o ni dyenje ri uniji;
- f) Nuk'o dya ni m'ari ngeje ri nuu nu Comité; ñeje
- g) Nuk'o dyaja k'o ri mama nu Ngunb'épi arkete.

Ma ri dyokuji nu beka nzi ra mama k'a yo Reglas de Operación ri ngeje, ma ngeje ya uniji nu b'ós'i, ri nzhokĩ nzi ra mama nu Ngunb'épi arkete, ra ngeje ni dyenje ri tsjaa ja ri nzhokiji k'o uniji.

8.1.10. Nuk'o xo ni dyenje ri nuji

Nzi nuk'o ri mama nu ngumb'épi arkete.

8.1.11. Ja nde Tsike ri Uniji yo B'ós'i yo Tee ni Dyenje ra Uniji

Ma nde tsike ri uniji yo tee ni dyenje ra uniji b'ós'i k'a nu Programa de Desarrollo Social ni chjuu "Beca Talento EDOMÉX".

9. Ngunb'épi k'o ni Pépi

9.1. Ngumb'épi arkete

Nu Comité ri ngeje ra tsjapĩ ri maa na joo nu Programa neje ri mama na joo ja me ga kjaa yo Reglas de Operación

9.2. Yo Ngumb'épji ni Dyenje ra Tsjaa

Ngeje nu Secretaría de Educación nu Arkete a Ts'ib'onrró.

9.3. Nu Ngumb'épji arkete ni tsjaa

Nu Departamento de Becas k'a nu Secretaría de Educación nu Arkete a Ts'ib'onrró

9.4. Nu Comité de Admisión neje Seguimiento

9.4.1. Ja ni Jmuriji

Sóo ri m'arĩ ngeje nu Comité de Admisión y Seguimiento k'a nu Comité de Selección y Asignación de Becas, k'a ni ngejeji:

- I. Naja Presidente, k'ĩ ra ngeje nu Arkete k'a Secretaría de Educación;
- II. Naja Secretario, k'ĩ ra ngeje nu Arkete k'a Dirección General de Administración;
- III. Dych'a yeje ni mb'os'iji ra ngeje:
 1. Nu arkete k'ĩ sis'i nu Subsecretaría de Educación Básica;
 2. Nu arkete k'ĩ sis'i nu Subsecretaría de Educación Media Superior;
 3. Nu arkete k'ĩ sis'i nu Subsecretaría de Educación Superior y Normal;
 4. Nu arkete k'ĩ sis'i nu Subsecretaría de Administración y Finanzas;
 5. Nu arkete sis'i nu Dirección General de Finanzas;
 6. Nu arkete k'ĩ sis'i nu Dirección General de los Servicios Educativos Integrados al Estado de México;
 7. Nu arkete Vocal ejecutivo nu Consejo Estatal para el Desarrollo Integral de los Pueblos Indígenas del Estado de México;
 8. Nu arkete k'ĩ sis'i nu Dirección General de Cultura Física y Deporte;
 9. Nu arkete k'ĩ sis'i nu Dirección General del Instituto Mexiquense de la Juventud;

Nuk'ĩ ngeje k'ĩ pama pama ni zojniji:

10. Nu arkete sis'i nu Órgano Interno de Control k'a nu Secretaría de Educación;

Nuk'ĩ ni zojni nu Presidente:

11. Naja tee k'ĩ ni mbarpa nu Universidad Autónoma del Estado de México; ñeje
12. Naja tee k'ĩ nimbarpa k'a na ni jmurĩ yo xórĩ a Ts'ib'onrró.

Nzina ni ngara k'a Comité sóo ri dyens'e nu tee k'ĩ ra mbarpa, nu b'épji k'ĩ a mboo k'a Comité dya ri ts'óntr'i.

Yo tee k'o ni ngaa k'a Comité pés'i nu kjuanzakĩ ra ñaa neje ra mbas'ĩ o dyéé, ngextjo nu tee k'ĩ sis'i nu Órgano Interno de Control k'a nu Secretaría de Educación ñeje nu Secretario, sóo ri ñaa.

9.4.2. Ma ri jmuriji

Nu Jmurte jyasmĩ ri jmuriji nzina nzina ni jñii zana ñeje xo ri jmuriji ma ra neeji.

Yo nuk'o ri ngejmeji ngeje k'o ma ya zóniji textjoji, ma ri chjétjoji, ngeje ra tsjaji nuk'o ri mama nu Presidente.

Nu Secretario ra zojnī ma ra jmurīji nu Comité, ma yepa ra otrī ri jmurīji neje ma ri neeji, ma ra ngins'í dyote nziyojo ndame.

Yo ri s'ojnī ra jmurīji nu Comité ra ngeje nzina nzina ri tr'opjī o ri matrīji k'a correo neje ri jñus'ī ja ngekua, pje ma paa neje ja me ndame ri jmurīji, k'a xo ri mébi nuk'a Jmama nuk'o ni Pépji.

Pa sóo ri joo nuk'o ri ngejmeji ma ri jmurī nu Comité, ri ngaraji nrree neje naja, ma xo ngeje ri bīb'ī nu Presidente, nu Secretario, o nujyo Parpa ñeje k'ī sis'ī nu Órgano Interno de Control k'a nu Secretario de Educación o yo tee k'o parpaji.

Nu Secretaria nu Comité ra xos'ī naja xiskuama nzina nzina paa ma ri jmurīji, juns'ī textjo k'o ni ngejmeji, k'o ra unī nzhóo ma ra yepe ri jmurīji.

9.4.3. Nuk'o ni dyenje ra tsjaa nu Comité

Ngeje nuk'o sóo ri tsjaa nu Comité:

- a) Ri mama ja nzii neje ja nzii ri ts'óntr'ī yo beka, pje ni kjaa, sjórī paa neje ja ni ngeje nu sjórī, nzi ra kjaa yo méchi ri ch'unīji.
- b) Ra saja yo ja ni kjaa ma ri ch'unī, yepe ri ch'unī, ri ts'otr'ī neje yepe ri nrréé yo beka;
- c) Ra saja yo dyaja jñaa nzi ra kjaa ri m'arī neje ri mama nu Comité, pa na joo ri ch'unī yo Reglas de Operación;
- d) Ra tsjaa neje ra saja k'o dya juns'ī k'a yo Reglas de Operación;
- e) Ra saja k'o ri pórīji k'a yo Reglas de Operación ñeje yo Lineamientos Generales del Comité de Selección y Asignación de Becas, pa nzi ri tsjaji na joo, neje ri zis'ī nu B'épji; ñeje
- f) Yo dyaja nuk'o ri nzi ra mamaji ra tsjaji.

10. Ma ja ri tsjaji nu B'épji

10.1. Ma ri tsjaji nu B'épji

Ma pje ri tsjaji ma ra dyórīji, ri juajnīji ñeje ri ch'unīji yo beka ra ngeje:

- a) Nu tee k'ī órī ri nichī naja xiskómī. Ma ngeje kja s'éb'ī, nu tr'órī ra tsjaa nu nana, nu tata o chézhte, k'a nzi ra mama ngeje angeze;
- b) Sóo ri d'ééji yo tr'órī neje textjo yo xiskuama, ri ngeje ri ch'unī k'a nu Secretaría de Educación ñeje k'a Comisión Ejecutiva de Atención a Víctimas, nzi ra ngeje;
- c) Yo paa ma sóo ri nrrééji ra d'éé yo xiskuama tr'órī ri xogī textxjo nu kjéjsjórī 2022-2023;
- d) Nu Ngunb'épji arkete k'ī ri nuu na joo yo xiskuama ri maa na joo nzi ra mama yo Reglas de Operación;
- e) Nzi ra mama k'o juns'ī k'a nu Jmama 29 nu Reglamento de Becas del Estado de México, ri zojnī ri jmurīji nu Comité nuk'a ri mamaji kjo je ngeje yo tee k'o sóo ri unīji yo b'ós'ī beka k'ī ri unī nu Ngunb'épji arkete. Ma ya sajaji, nu Ngunb'épji arkete, ra nzhóo ja ba mbes'e ri unīji yo tee k'o ni dyenje ri b'ós'ī; ñeje
- f) Nu Ngunb'épji arkete ra mama ja ngekua ñeje ja ma paa ri ch'unīji yo b'ós'ī.

11. Ri Pjóxteji yo Ngunb'épji arkete

Yo ngunb'éji arkete ra mama ja ri pjóxte ri pépjji na joo pa ri tsjaji na joo nu B'épji na, nzi ra tsjaji yo b'épji dya ri ts'as'ī yo dyaja k'o B'épji.

Ra sóo ri pjóxteji ri tsjaji yo b'épji, ko dyaja ngunb'épji ko yo Gabinetes Regionales, pa sóo ri

mbós'ri ri tsjaji nu B'épji na.

Nu Secretaría de Educación ra sóo ri tsjaji ri ngejmeji, pa nzi ra tsjaa yo dyenje ra tsjaa nu B'épjina.

12. Ja ri pjóxteji

Ri s'ojni naja tee k'i ri mbarpa naja ndaxóri nu a Ts'ib'onrró, pa sóo ri b'ib'i k'a Comité.

13. Ja ri tsjaji na joo nu B'épji

Nu Secretaria de Educación ri mbés'i nu jmama nu B'épji nzi ra mama nu Ley de Transparencia y Acceso a la Información Pública del Estado de México y Municipios, k'a ri tsjaa nzi ra mama yo kjuanzakí k'a ra mbóri k'o pés'i nzina nzina yo tee.

14. Ri pjons'i ri mbaraji

14.1. Ja ri pjons'i ri mbaraji

Yo Reglas de Operación ri pjóns'iji k'a nu Periódico Oficial "Gaceta del Gobierno" neje k'a nu web nu Secretaría de Educación <http://seduc.edomex.gob.mx/becas>.

Nzi ra mama k'o jñus'i nu Jmama 18 k'a Ley de Desarrollo Social del Estado de México, textrjo yo xiskuama k'o ri tsjaji ri mamaji ñeje ri pjóns'iji nu B'épji, ri zis'i nu jña na:

"NUJNA B'ÉPJI NGEJE PARA YO TEE K'A JÑIÑI, DYAPJE PÉBI KO PARTIDO PLOTICO. DYA SÓO PJE RI TSJAPÍJI K'O DYA PÉBI NU NATA YO JÑIÑI, MA KJOK'O N'AÑO RI TSJAPÍ YO MERYO NU B'ÉPJI NA, RI NZHÓJI NEJE RI ZÍB'ÍJI NUK'A JMII YO ARKETE NZI RA MAMA NU KJUANZAKÍ".

Nuyo Reglas de Operación ri b'óti k'a yo jñatjo k'o ñaji a Ts'ib'onrró.

15. Ja ri tsjaji nu B'épji na

Nu Ngunb'épji k'i ni dyenje ra tsjaa ngeje ni dyenje ra nuu nu B'épji na.

16. Ja ri nuji ni maa

16.1. Ja ri nuji ri maatjo

Ra sóo ri tsjaji ri nuji (ngetjo akjanu, ri trjokí, ri tsjaji, ri zézhi neje ri m'arí), k'i ñuu nu CIEPS, k'i ro tsjapí ri joo nu B'épji na.

16.2. Ri jmama k'o tsjaji

Nu Ngunb'épji ra tsjaa tsjema tsjema ra uní nzhóo k'a nu Comité, ko k'o xo mama o tsjaa nu CIEPS ja ba tsjaji nu B'épji ma ra nguarí nu s'od'iji meryo.

17. Ri Jnuu, ri Nuji neje ri B'óri

Ma ri jnuu, ri nuji neje ri b'óri nu B'épji ngeje ni dyenje ra tsjaa nu Órgano Superior de Fiscalización del Estado de México neje nu Órgano Interno de Control de la Secretaría de Educación.

18. Nuk'a ri tsóxteji neje ri nzhóteji

Yo ni tsóxteji neje yo ni nzhóteji o ni sipiji nzi ra ngeje nu B'épji sóo ri uníji k'a:

Ma ri Nuji yo tee a Ts'ib'onrró

SAMTEL

800 720 02 02

800 711 58 78

Ndeze nu nonixi ta ra mbénéxi, ma ra zĩnĩ 9:00 xónrĩ ta t ama ra 6:00 ri nzhaa textjo nu kjéé.

Nuk'a jñajesibi:

(722) 2 75 76 90, 2 75 76 00 k'a ni makĩ 6581 ñeje 6616

Ndeze ma ra nonixi a mbénéxi ma ra zĩnĩ 9:00 xónrĩ t ama ra 6:00 ma ra nzhaa.

Nuk'a Departamento de Becas k'a Secretaría de Educación un Arkete a Ts'ib'onrró

Nuk'o dya ni sajaji, ni kóxteji o ni nzhoťeji nzi ra tsjaji neje ni ch'unĩji yo b'ós'ĩ, ra sóo ri nzhoó yo tee k'o ni dyenje ra b'ós'ĩ, nzi ra ngeje a maba neje nu sjóri k'o paa.

Nuk'a jñajesibi: Nuk'a Departamento de Becas k'a 722 213 9063, 722 214 55 88, 722 213 91 76, 722 213 88 94 neje 722 214 66 81, ndeze nu nonixi a mbéné, ma ra zĩnĩ 9:00 ma xónrĩ ta ra ngins'ĩ 6:00 nu nzhaa.

Ma ngeje ri tr'opji: Nuk'a ngunb'épi nu Departamento de Becas k'a nu Secretaría de Educación nu Arkete a Ts'ib'onrró, k'ĩ jara a González y Pichardo b'ezhe 200, Colonia Merced Alameda, C.P. 50080. Jñĩni a Ts'ib'onrró, ndeze ma nonixi ta ma ra mbénéxi, ndeze ma ra zĩnĩ 9:00 xónrĩ ta nu 6 ma ra nzhaa.

Ma ri mats'éjé: Órgano Interno de Control nuk'a Secretaría de Educación, k'ĩ jara ka ñ'iji Hidalgo, b'ezhe 104, jñajesibi 722 21 33117 ñeje 722 2148041, ndeze ma ra nonixi ta ngeje ma ra mbénéxi, ndeze ma ra zĩnĩ 9:00 ma ra xónrĩ t ama ra zĩni 6 nu nzhaa.

Ma ri ngeje k'a dyĩni jñajesibi: Ri tsjapiji k'a: "Denuncia EDOMÉX", k'Í ni dyenje ra tsjaa nu Ngunb'épi Secretaría de la Contraloría nu Arkete a Ts'ib'onrró.

NUK'O NI KJOBĪTRJO

NA OTR'Ī.- Pjóngiji nu Acuerdo en el Periodico Oficial "Gaceta dell Gobierno".

NA YEJE.- Nu Acuerdo na ra ngich'i ri mbaraji mo jyas'ĩ paa mo pjóns'iji k'a nu Periódico Oficial "Gaceta del Gobierno".

NA JÑII.- Yo Reglas de Operación pjóns'iji tetrjo pa sóo ri mbaraji.

NA NZIYOJO.- Nuk'o dya mamajiba nuk'a yo Reglas ri jyokĩ nu Ngunb'épi Arkete.

O mbes'e k'a Jñĩni a Zumi nu Lerdo, Jñĩni a Ts'ib'onrró, nu yo jñite naja paa nu otr'ĩ zana nu kjéda 2022.-

E GERARDO MONROY SERRANO, ne SECRETARIO DE EDUCACIÓN NU ARKETE TS'IB'ONRRÓ. KUEXE.

Nu b'épi na ngeje m'ari k'a jñĩni, dya pje pébi yo partido político. Dyapje sóo n'año pje nde ri tsjapiji k'o dya ni ngeje nu ni Nata yo Jñĩni. Ma kjok'o n'año ri tsjapi yo meryo nu B'épi sóo ri kóxteji neje ri zib'iji k'a arkete nzi ra jñus'ĩ ka nu Kjuanzakĩ na.